

Patrizia GATTACECA

Libertà

Aghju mughjatu annantu,
Annantu à tutta a serra
A parolla d'incantu
Chì move ogni terra
È chì a face fruttà...

Aghju pruvatu annantu
Annantu à u me cantu
A parolla d'incantu
Ch'incanta u me cantu
È chì canta libertà !

Aghju lampatu annantu
Annantu à tutti i fiori
A parolla d'incantu
Chì apre tutti i cori
È chì i face sbuccià...

Aghju stampatu annantu
À tutti i nostri stenti
A parolla d'incantu
Chì spazza i spaventi
È chì mette a libertà
È chì leva a libertà !...

Ricacciato da GATTACECA Patrizia, *Arcubalenu*, Albiana, 1996, p. 14.